

名爲法網迦葉佛如來無所著等正覺說是
經時名爲見網今我亦說是經名爲梵網佛
說如是諸比丘皆歡喜前爲佛作禮而去

佛說梵網六十二見經

佛說尸迦羅越六方禮經

長阿含善
生經別譯

後漢沙門安世高譯

佛在王舍國鷄山中時有長者子名尸迦羅
越早起嚴頭洗浴著文衣東向四拜南向四
拜西向四拜北向四拜仰向四拜向地四拜

佛入國分衛遙見之往到其家問之何爲六
向拜此應何法尸迦羅越言父在時教我六
向拜不知何應今父喪亡不敢於後違之佛
言父教汝使六向拜不以身拜尸迦羅越便
長跪言願佛爲我解此六向拜意佛言聽之

內著心中其有長者黠人能持四戒不犯者
今世爲人所敬後世生天上一者不殺諸群
生二者不盜三者不愛他人婦女四者不妄
言兩舌心欲貪婬恚慾癡自制勿聽不能
制此四意者惡名日聞如月盡時光明稍冥

能自制惡意者如月初生其光稍明至十五日盛滿時也佛言復有六事錢財日耗減一者喜飲酒二者喜博掩三者喜早卧晚起四者喜請客亦欲令人請之五者喜與惡知識相隨六者憍慢輕人犯上頭四惡復行是六事妨其善行亦不得憂治生錢財日耗減六向拜當何益乎佛言惡知識有四輩一者內有怨心外強爲知識二者於人前好言語背後說言惡三者有急時於人前愁苦背後歡喜四者外如親厚內興怨謀善知識亦有四

輩一者外如怨家內有厚意二者於人前直諫於外說人善三者病瘦縣官爲甚恆忪憂解之四者見人貧賤不棄捐常念求方便欲富之惡知識復有四輩一者難諫曉教之作善故與惡者相隨二者教之莫與喜酒人爲伴故與嗜酒人相隨三者教之自守益更多事四者教之與賢者爲友故與博掩子爲厚善知識亦有四輩一者見人貧窮悴乏令治生二者不與人諍計校三者日往消息之四者坐起常相念善知識復有四輩一者爲吏

所捕將歸藏匿之於後解決之二者有病瘦
將歸養視之三者知識死亡棺殮視之四者
知識已死復念其家善知識復有四輩一者
欲鬪止之二者欲隨惡知識諫止之三者不
欲治生勸令治生四者不喜經道教令信喜
廿五
之惡知識復有四輩一者小侵之便大怒二
者有急倩使之不肯行三者見人有急時避
人走四者見人死亡棄不視佛言擇其善者
從之惡者遠離之我與善知識相隨自致成
佛佛言東向拜者謂子事父母當有五事一

者當念治生二者早起勑令奴婢時作飯食
三者不益父母憂四者當念父母恩五者父
母疾病當恐懼求醫師治之父母視子亦有
五事一者當念令去惡就善二者當教計書
疏三者當教持經戒四者當早與娶婦五者
家中所有當給與之南向拜者諸弟子事師
當有五事一者當敬歎之二者當念其恩三
者所教隨之四者思念不厭五者當從後稱
譽之師教弟子亦有五事一者當令疾知二
者當令勝他人弟子三者欲令知不忘四者

諸疑難悉爲解說之五者欲令弟子智慧勝師西向拜者謂婦事夫有五事一者夫從外來當起迎之二者夫出不在當炊蒸掃除待之三者不得有姪心於外夫罵言不得還罵作色四者當用夫教誠所有什物不得藏匿五者夫休息善藏乃得卧夫視婦亦有五事一者出入當敬於婦二者飯食之以時節與衣被三者當給與金銀珠璣四者家中所有多少悉用付之五者不得於外邪畜傳御北向拜者謂人親屬朋友當有五事一者見之

作罪惡私往於屏處諫曉呵止之二者小有急當奔趣救護之三者有私語不得爲他人說四者當相敬歎五者所有好物當多少分與之向地拜者謂大夫視奴客婢使亦有五事一者當以時飯食與衣被二者病瘦當爲呼醫治之三者不得妄搥捶之四者有私財物不得奪之五者分付之物當使平等奴客婢使事大夫亦有五事一者當早起勿令大夫呼二者所當作自用心爲之三者當愛惜大夫物不得棄捐乞匄人四者大夫出入當

福十

十六

送迎之五者當稱譽大夫善不得說其惡向天拜者謂人事沙門道士當用五事一者以善心向之二者擇好言與語三者以身敬之

四者當戀慕之五者沙門道士人中之雄當恭敬承事問度世之事沙門道士當以六憶視凡民一者教之布施不得自慳貪二者教之持戒不得自犯三者教之忍辱不得自恚怒四者教之精進不得自懈慢五者教人一心不得自放意六者教人黠慧不得自愚癡沙門道士教人去惡爲善開示正道恩大於

父母如是行之爲如汝父在時六向拜之教也何憂不富乎尸迦羅越即受五戒作禮而去佛說唄偈

鷄鳴當早起
被衣來下牀
澡漱令心淨
兩手奉華香
福十佛尊過諸天
鬼神不能當
低頭遶塔寺
叉手禮十方
十七賢者不精進
譬如樹無根
根斷枝葉落
何時當復連
採華者日中
能有幾時鮮
放心自縱意
命過復何言
人當慮非常
對來無有期
犯過不有覺
命過爲自欺
今當入泥犁

何時有出期
佛如好華樹
一切皆歡喜
過度諸生死
福報常隨已
戒慎除恐畏
不犯有戒人
老病死時至
無處可隱藏
父母家室居
譬如寄客人

賢者受佛語
無不愛樂者
令我得佛時
無不解脫者
現法爲人長
福德三界尊
鬼神邪毒害
今速如電光
歸命天中天
人身旣難得
貪婬於意識
歡喜詣地獄
一切能正心
隨行生十方
廣勸無極慧

持戒慎勿疑
處處人民聞
願使如法王
戒德可恃怙
終遠三惡道
陸俗生世苦
對來無豪強
無親可恃怙
人命豈久長
天福尚無盡
宿命壽以盡

捨故當受新
起滅從罪福
濟育一切人
慈傷墮衆邪
勉進以六度
修行到自然
是故稽首禮
歸命天中天
人身旣難得
貪婬於意識
歡喜詣地獄
一切能正心
隨行生十方
廣勸無極慧

各追所作行
生死十二因
現身遊避免亂
流沒于深淵
是故稽首禮
人身旣難得
得人復嗜欲
痛想無厭足
六情幸完具
何爲自困辱
不與八難貪
豫種後世栽
三世神吉祥
六度爲橋梁

佛說戶迦羅越六方禮經

音釋

福十

廿八

搏 捕 搏 捕 搏 丑 居 切 蒼 薄 胡
鉤 鮎 牡 兜 切 搏 捕 搏 戰 博 戰 也
心 切 兵 切 后 侯 切 織 織 先 肝 切 織 織
懼 懈 松 也 與 矛 嚥 嚥 闔 巨 禁 切 織 織
貌 賤 容 也 切 盪 盪 徒 朗 毛 飾 切 穿 穿
松 羽 告 羽 羽 羽 羽 羽 羽 羽 羽 羽 羽 羽